



Samfélagsskýrsla Skinneyjar-Pínganess 2022



Um skýrsluna

Skinney-Pínganes hf. gefur nú út samfélagsskýrslu þriðja árið í röð sem er til marks um vilja og skuldbindingu fyrirtækisins til þess að vera samfélagslega ábyrgt og hafa jákvæð áhrif í samfélaginu.

Í skýrslunni er fjallað um helstu ófjárhagslega þætti starfseminnar og er hún unnin í samræmi við UFS leiðbeiningar Nasdaq kauphallarinnar, útgáfu 2.0 frá febrúar 2020 (EGS Reporting Guide 2.0).

Staðlarnir í leiðbeiningunum skiptast í þrjá flokka, U fyrir umhverfisþætti, F fyrir félagslega þætti og S fyrir stjórnarhætti.

Skinney-Pínganes vill vera góð fyrirmynd í samfélagslegri ábyrgð og er samfélagsskýrslunni m.a. ætlað að gefa greinargott yfirlit á árangur félagsins í sjálfbærnimálum og auka þar með gagnsæi á starfsemi félagsins.

Upplýsingar í skýrslunni eru afmarkaðar við móðurfélagið Skinney-Pínganes hf. og dótturfélag þess Útgerðarfélagið Vigur ehf. nema annað sé tekið fram. Skýrslan tekur til ársins 2022 og eru allar upplýsingar í skýrslunni í samræmi við bestu þekkingu sem við höfum yfir að búa á þeim tíma sem skýrslan er rituð en er ekki tæmandi úttekt á öllum þeim áhrifum sem Skinney-Pínganes hefur á umhverfi, samfélag og efnahag.

Stjórn Skinneyjar-Pínganess hf. hefur samþykkt útgáfu skýrslunnar.



Árið 2022 í hnotskurn

Árið 2022 var farsælt hjá Skinney-Pinganesi hf. Reksturinn á árinu gekk vel og er félagið, að óbreyttu, vel í stakk búið að taka á sig sveiflur sem óneitanlega eru fylgifiskur sjávarútvegsins.

Úkraína og löndin þar í kring eru mikilvægir markaðir fyrir afurðir okkar og þá sérstaklega uppsjávarafurðir og hafa átökin umtalsverð áhrif á sölu og afsetningu þeirra.

Þessari stöðu stjórnnum við ekki en reynum að bregðast við og aðlaga okkur að breyttu rekstrarumhverfi.

Ríflegur loðnukvóti var gefinn út fyrir vertíðina og hófust veiðar í desember 2021. Vertíðin var einstaklega erfið og á miðri loðnuvertíð bárust tilkynningar um að nauðsynlegt væri að skerða sölu á ótryggu rafmagni og kom það niður á öllum fiskimjölsværsmiðjum á landinu, m.a. verksmiðju félagsins. Skinney-Pinganes hefur lagt í miklar fjárfestingar til að geta keyrt fiskimjölsværsmiðju þess á rafmagni. Framkvæmdastjórn félagsins náði með

snarræði að semja við HS Orku hf. um kaup á tryggu rafmagni þannig að ekki kom til þess að félagið þyrfti að brenna olíu til til að knýja fiskimjölsværsmiðjuna.

Makrílveiðar hófust í lok júní en eins og vertíðina á undan veiddist lítið í íslenskri lögsögu og héldu því skipin fljótt austur í Síldarsmugu. Erfiðlega gekk að eiga við makrílinn og var veiði mjög kaflaskipt og mikill tími fór í leit.

Síldveiðar gengu hins vegar mjög vel á árinu.

Enn eitt árið varð niðurskurður í þorski og er svo komið að niðurskurður þriggja síðustu ára er fjórðungur af þeim aflaheimildum sem við höfðum yfir að ráða. Þessi niðurskurður í þorski ásamt engum humarveiðum varð til þess að tekin var ákvörðun um að gera aðeins út þrjú togskip á hverjum tíma. Leitast var þó við að tryggja áframhaldandi störf á öðrum skipum félagsins.



Árið 2022 í hnotskurn

Aflabrögð hafa verið góð og nánast stöðug vinnsla í sjós og í landi.

húsum okkar á Höfn og í Þorlákshöfn. Sumarlokanir voru á báðum stöðum í fjórar vikur á hvorum stað sem er afleiðing af skertum aflaheimildum.

Á haustdögum var undirritaður samstarfssamningur við Gjögur hf. um veiðar og vinnslu á uppsjávarfiski. Mun nýtt skip þeirra landa uppsjávarafla sínum í uppsjávarvinnslu Skinneyjar-Þinganess á Höfn. Voru höfð makaskipti á nýsmíðum félaganna og fær Gjögur afhent fyrra skipið í apríl 2024 og við ári síðar, á vordögum 2025. Skipin eru systurskip.

Á árinu var hafin vegferð í öryggismálum sjómanna í samstarfi við Öryggisstjórnun ehf. með undirritun á þjónustusamningi til þriggja ára. Markmið samstarfsins er að koma samræmdum og stafrænum áherslum í skipulag og framkvæmd öryggismála til sjós. Í samstarfinu verður einnig lögð áhersla á að öryggismál Skinneyjar-Þinganess uppfylli alþjóðlega staðla sem snúa að öryggismálum til

Við erum spennt fyrir því að taka þátt í nýsköpun og þróun á stafrænum lausnum í öryggismálum sjómanna. Markmið þessa samstarfs er að stuðla að enn öruggari vinnuumhverfi sjómanna okkar sem samræmist vel öryggisstefnu fyrirtækisins og áherslum okkar í öryggismálum.

Sigurður Ægir Birgisson, stjórnarformaður



Um Skinney-Þinganes

Skinney-Þinganes hf. er íslenskt sjávarútvegsfyrirtæki. Megin starfsemi samstæðunnar felst í matvælaframleiðslu en samstæðan rekur útgerð, fiskvinnslur, fiskimjölsverksmiðju og sölustarfsemi. Félög innan samstæðunnar koma einnig að rekstri og leigu fasteigna og bújarða, þátttöku í öðrum félögum, svo sem laxeldi, framleiðslu gæludýrafóðurs og annarri skyldri starfsemi.

Samstæðan samanstendur af móðurfélaginu, Skinney-Þinganesi hf. og dótturfélögum þess, sem í lok árs 2022 voru: Krossey ehf., Selbakki ehf., Vélsmiðjan Foss ehf., Þingey ehf., Útgerðarfélagið Vigur ehf., Hvanney ehf. og Marine PetTreats ehf. Félög innan samstæðunnar eiga einnig hlut í Iceland Pelagic ehf., StorMar ehf., Laugafiski ehf, Ice Fish Farm AS, Raf-Horni ehf. og Flateyjarbúinu ehf.

Skinney-Þinganes leggur áherslu á ábyrgar fiskveiðar, framleiðslu á gæðavörum úr villtu sjávarfangi og traust viðskipti. Skinney-Þinganes hf. gerir út sjö skip, tvö uppsjávarskip, fjögur togskip og Útgerðarfélagið Vigur ehf.

gerir út einn línubát. Samstæðan hefur yfir að ráða aflaheimildum úr margvíslegum nytjastofnum á Íslandsmiðum. Afli af skipum félagsins er unninn í verksmiðjum félagsins, fjölþættri vinnslu fyrir uppsjávarfisk og bolfisk á Höfn, fiskimjölsverksmiðju á Höfn, ásamt sérhæfðri vinnslu á bolfiski í Þorlákshöfn. Hlutdeildarfélög Skinneyjar-Þinganes, Iceland Pelagic ehf. og StorMar ehf. sjá um að selja stærstan hluta afurða félagsins um allan heim. Aukin eftirspurn er eftir sjávarafurðum sem veiddar eru með ábyrgum eða sjálfbærum hætti, t.d. úr MSC vottuðum fiskistofnum og aukin áhersla á rekjanleika afurðanna.

Starfsmenn samstæðunnar voru 343 í árslok 2022.

Samstæðan hefur markvisst unnið að aukinni verðmætasköpun og sjálfbærni með innri þróun og nýsköpun að leiðarljósi.



Samfélagsábyrgð – heimsmarkmið SÞ

Skinney-Pinganes hf. leggur áherslu á samfélagsábyrgð og vill starfa í sátt við umhverfið og samfélagið. Skinney-Pinganes rekur starfsemi á tveimur stöðum á landinu, Höfn í Hornafirði og Þorlákshöfn. Á Höfn er samstæðan stærsti einstaki vinnuveitandinn. Allar stórar aðgerðir samstæðunnar eru því vegnar og metnar út frá áhrifum á byggðarlagið og samfélagið. Það sama má segja um Þorlákshöfn þó að vinnumarkaðssvæðið þar sé stærra. Skinney-Pinganes hefur stutt við framgang ýmissa samfélagslegra verkefna, eins og að byggja knatthús árið 2008, opna skemmtistað fyrir ungt fólk árið 2017 og stutt um árabíl við íþrótt- og menningarstarf með styrkjum til einstaklinga og fyrirtækja sem og önnur góðgerðarfélög.

Skinney-Pinganes hefur innan vébanda Samtaka

fyrirtækja í sjávarútvergi undirritað stefnu um samfélagsábyrgð sem grundvallast á heimsmarkmiðum Sameinuðu þjóðanna um sjálfbæra þróun. Grunnildir stefnunnar eru heimsmarkmið Sameinuðu þjóðanna númer 14 (Líf í hafi) og 9 (Nýsköpun og uppbygging). Stefnuna er að finna inná heimasíðu Skinneyjar-Pinganes: www.sth.is.



Aðild að samtökum

Skinney-Þinganes hf. er aðili að eftirfarandi samtökum:



Vottuð gæðakerfi

Á undanförunum árum hefur Skinney-Pinganes hf. innleitt margvísleg vottuð gæðakerfi til að tryggja rekjanleika, stöðluð vinnubrögð og gæði afurða sem unnar eru hjá fyrirtækinu, sem undirstrikar áherslu félagsins um góða umgengni og virðingu fyrir auðlindinni.

IFS Vottun

Bolfiskvinnslur félagsins eru með IFS vottun en IFS er alþjóðlega viðurkenndur staðall undir merkjum GFSI (Global Food Safety Initiative). Staðallinn leggur áherslu á matvælaöryggi, gæði framleiðsluhátta og gæði afurðar. Vottunin sýnir fram á að gæðastjórnunarkerfi fyrirtækisins standist ítrustu gæðakröfur sem settar eru á matvælaframleiðslur á alþjóðavísu.

MSC Vottun

MSC vottun staðfestir að fyrirtækið uppfylli kröfur Marine Stewardship Council um rekjanleika sjávarafurða úr sjálfbærum fiskistofnum. Fyrirtækið er aðili að Icelandic Sustainable Fisheries sem aftar vottana gagnvart staðli MSC á veiðarfæri og fiskistofna sem nýttir eru við Ísland. MSC vottunarnúmer Skinneyjar-Pinganness er MSC-C-54351.

Marin Trust & FEMAS Vottun

Fiskimjölsværksmiðja félagsins er Marin Trust vottuð, sem vottar sjálfbæra uppruna afurðanna auk FEMAS vottunar sem er bresk vottun um ábyrga framleiðsluhætti.



Umhverfispættir

Ábyrgar fiskveiðar

Það er stórt efnahagslegt og félagslegt hagsmunamál að ástand fiskistofna sé gott og að upplýsingar um veiðar og umgengni við vistkerfi hafsins séu traustar, rekjanlegar og gagnsæjar. Ábyrgar fiskveiðar eru grunnur að öllu starfi Skinneyjar-Þinganes. Félagið starfar í samræmi við gildandi lög og reglur um fiskveiðar og umgengni um nytjastofna sjávar með það að markmiði að tryggja sjálfbæra og ábyrga nýtingu sjávarauðlinda.

Félagið fylgir ströngum kröfum um meðferð hráefnis sem og útbúnað vinnslu og skipa. Til að tryggja rekjanleika, stöðluð vinnubrögð, gæði og öryggi afurða sem unnar eru hjá Skinney-Þinganesi er unnið eftir HACCP gæðakerfi (Hazard Analysis and Critical Control Points), kröfum MAST og ýmsum sérleyfismörkuðum ásamt alþjóðlega vottuðum stöðlum. Margvíslegar vottanir hafa verið staðfestar af ytri aðilum eins og MSC (Marine Stewardship Council),

FEMAS (Feed Material Assurance Scheme), MARIN TRUST (IFFO Global Standard for Responsible Supply) og IFS (The International Featured Standard). Skinney-Þinganes hf. er jafnframt hluthafi í Iceland Sustainable Fisheries og aðili að Iceland Responsible Fisheries, sem undirstrikar áherslu félagsins um góða umgengni og virðingu fyrir auðlindinni.

Framþróun í umhverfismálum

Á grundvelli samfélagsstefnu sinnar hefur Skinney-Þinganes sett sér skýr markmið í umhverfismálum. Félagið vill bæta hringrásina með því að nýta auðlindir hafsins á sjálfbæran og lögmætan hátt og leitast samstæðan við að búa til verðmæti úr öllu hráefni.

Góð nýting hráefnis í fiskvinnslum og fiskimjölsverksmiðju félagsins hefur verið lykilþáttur í lágmörkun á úrgangi þvert á allt fyrirtækið. Samstæðan leitast að flokka allt sorp sem fellur til á sjó og landi og koma veiðarfærum í endurvinnslu.



Umhverfispættir

Stefna samstæðunnar er einnig að lágmarka sótsporið m.a. með því að mæla og meta losun á gróðurhúsalofttegundum og nýta tækifæri til að takmarka og draga úr umhverfisáhrifum í samræmi við tækniþróun. Umhverfisáhrif eru greind með ítarlegri hætti í samfélagsskýrslu Skinneyjar-Þinganes og þar er kolefnisfótspor tekið saman. Á árinu 2022 hófst markviss vinna við að skilgreina lykilmælikvarða í umhverfismálum ásamt öðrum ófjárhagslegum lykilmælikvörðum. Áætlað er að þeirri vinnu ljúki á árinu 2023.

Félagið vinnur að framþróun umhverfismála með stýringu þeirra þátta sem valda neikvæðum umhverfisáhrifum. Þannig hefur félagið ráðist í ýmsar aðgerðir til að minnka útblástur og önnur áhrif á umhverfið sem leiðir af starfsemi þess. Stærsta aðgerðin á undanförunum árum var rafvæðing fiskimjölsverksmiðju Skinneyjar-Þinganes sem hefur verið keyrð á rafmagni frá árinu 2014. Þá hefur félagið keypt rafbíla og rafmagnslyftara og dregið stórlega úr flutningum á hráefni milli vinnsluhúsa félagsins á Höfn með tilkomu lagna sem lagðar voru undir höfnina í stað

þess að aka með það á milli húsa. Þá hefur Skinney-Þinganes lagt mikið upp úr góðri umgengni við hús sín og tekið upp markvissa flokkun á sorpi með góðum árangri. Fyrirtækið notar ekki svartolíu til að knýja skip sín, heldur flotaolíu (MGO). Endurnýjun í skipaflota félagsins á síðastliðnum árum hefur dregið úr olíunotkun.

Í lok árs samdi Skinney-Þinganes um smíði á nýju uppsjávarskipi sem mun einnig draga úr olíunotkun og auðveldar jafnframt skipti yfir í aðra orkugjafa. Nýja skipið verður útbúið búnaði sem mun gera því kleift að tengjast með rafmagni meðan það landar hráefni og dregur þar með úr olíunotkun. Áætlað er að skipið verði tilbúið til afhendingar í apríl 2025.

Á árinu hefur Selbakki ehf., dótturfélag Skinneyjar-Þinganes hf. unnið að þróun kolefnisverkefnis í samstarfi við Skógrækt ríkisins sem hefur það að markmiði að binda kolefni með nýskógrækt í landi jarðarinnar Selbakka á Mýrum og þar með draga úr kolefnisspori samstæðunnar.



Umhverfispættir

Olíunotkun skipa

Samstæða Skinneyjar-Þinganes hf. gerði út sjö fiskisveiðiskip, þar af tvö uppsjávarskip, 4 fjölveiðiskip og einn línubát á árinu. Skipastóll félagsins hefur að miklu leyti verið endurnýjaður á undanförunum árum með nýrri og hagkvæmari skipum. Yngri skipin eru afkastameiri og nýta einnig eldsneytið betur. Frá upphafi hefur félagið lagt áherslu á að auka aflaheimildir og styrkja þannig rekstrargrundvöll sinn.


Tækniframfarir síðustu ára í fiskveiðum ásamt öflugri fiskveiðistjórnunarkerfi sem leitt hefur af sér sterkari fiskistofna hefur einnig stuðlað að minni olíunotkun. Á síðastliðnum árum hefur félagið m.a. fjárfest í léttari veiðarfærum og toghlerum sem dregið hafa úr olíunotkun skipanna. Skip Skinneyjar-Þinganes eru knúin af gasolíum. Olíunotkun skipanna er haldið í lágmarki með því að tengja skipin við rafmagn þegar þau leggjast við bryggju.

Mestu umhverfisáhrifin í rekstri félagsins stafa af eldsneytisnotkun fiskiskipa samstæðunnar. Samtals notuðu skip félagsins tæplega 8 milljónir lítra af olíu og losuðu í heildina 22.101 tonn af CO₂ ígildum sem er 80% af heildarlosun af greindu kolefnisspori félagsins sem var 27.706 tonn af CO₂ ígildum á árinu 2022.

Afli skipanna á árinu var samtals 83.346 tonn sem er 36% aukning frá fyrra ári. Samfara því hefur eldsneytisnotkun fiskiskipanna einungis aukist um 8% frá árinu 2021. Þrátt fyrir aukningu á eldsneytisnotkun heldur olíunotkun á veiddan afla áfram að minnka hlutfallslega (lt. olíu/veidd tonn) eða um 21% frá fyrra ári og 34% frá árinu 2020. Þetta framfaraskref náðist með breyttu veiðimynstri og bættum búnaði í núverandi skipaflota.



Olíulítrar á hvert veitt tonn



Umhverfispættir

Rafmagn

Árið 2022 var raforkunotkun Skinneyjar-Þinganes 29.551.389 kWst. Öll raforka sem félagið notaði á árinu hefur verið vottuð sem græn, endurnýjanleg raforka. Þegar það er mögulegt er því áhersla lögð á að nýta raforku í stað jarðefnaeldsneytis.

Félagið hefur fjárfest í rafbílum fyrir starfsstöðvar félagsins á Höfn. Ásamt því eru 14 af 23 lyfturum félagsins rafmagnslyftarar. Stefna fyrirtækisins er að leita umhverfisvænni lausna, s.s. rafbíla við endurnýjun í bílaflota sínum.


Stærsta aðgerðin á undanförunum árum var rafvæðing fiskimjölsverksmiðju félagsins árið 2014. Árið 2014 var farið í miklar breytingar á fiskimjölsverksmiðju félagsins og frá þeim tíma hefur hún eingöngu verið keyrð á rafmagni.

Í lok árs 2021 bárust tilkynningar um að nauðsynlegt væri að skerða sölu á ótryggu rafmagni og kom það niður á öllum fiskimjölsverksmiðjum á landinu, m.a. verksmiðju Skinneyjar-Þinganes. Framkvæmdastjórn félagsins náði með snarræði að semja við HS Orku hf. um kaup á tryggu rafmagni þannig að ekki kom til þess að félagið þyrfti að brenna olíu til til að knýja

fiskimjölsverksmiðjuna.

Raforkunotkun fiskimjölsverksmiðjunnar var 20.001.167 kWst á árinu og alls tók verksmiðjan á móti 38.004 tonnum af hráefni sem samsvarar 526 kWst á hvert hráefnistonn.

Raforkunotkun fiskimjölsverksmiðju kWst á hvert hráefnistonn



Umhverfispættir

Úrgangur


Góð nýting hráefnis í fiskvinnslum og fiskimjölsverksmiðju félagsins hefur verið lykilþáttur í lágmörkun úrgangs en einnig hefur áhersla verið lögð á flokkun á sorpi þvert á allt fyrirtækið. Hlutfall flokkaðs rekstrarúrgangs árið 2022 var 64% sem er töluverð bætning frá árinu 2021, en þá mældist hlutfallið 53%.

Á árinu 2020 hóf dótturfélag Skinneyjar-Þinganes Marine PetTreats ehf. framleiðslu gæludýrafóðurs úr sjávarafurðum sem falla meðal annars til frá fiskvinnslum Skinneyjar-Þinganes. Starfsemin miðar að því að auka nýtingu þessara afurða.

Allan úrgang sem fellur til á sjó er farið með í land samkvæmt reglum um losun á sorpi frá skipum í sjó í V. viðauka Marpol samningsins.

Á árinu 2021 gerðist veiðarfæragerð Skinneyjar-Þinganes móttökustöð fyrir veiðarfæraúrgang til endurvinnslu og tekur því nú við úreltum veiðarfærum og sér til þess að séu hreinsuð, flokkuð og send til endurvinnslu.

Hlutfall flokkaðs
rekstrarúrgangs %



Umhverfispættir

Vísir	Eining	2020	2021	2022	Athugasemdir
U1. Losun gróðurhúsalofttegunda					
U1-1 Umfang 1	tCO ₂ ig	17.091	20.690	22.176	
Umfang 1: Eldsneyti	tCO ₂ ig	17.046	20.665	22.117	
Umfang 1: Kælimiðlar	tCO ₂ ig	45	25	59	
U1-2 Umfang 2	tCO ₂ ig	163	220	290	
Umfang 2: Rafmagn	tCO ₂ ig	163	220	290	
U1-3 Umfang 3	tCO ₂ ig	5.185	5.590	5.240	
Umfang 3: Eldsneytis- og orkuframleiðsla	tCO ₂ ig	3.865	4.732	5.068	
Umfang 3: Úrgangur	tCO ₂ ig	144	108	103	
Umfang 3: Flutningur og ferðalög	tCO ₂ ig	1.149	471	68	
Samtals	tCO ₂ ig	22.435	26.221	27.705	
U2. Losunarkræfni gróðurhúsalofttegunda					
Losunarkræfni orku	kgCO ₂ i/MWst	264	252		
Losunarkræfni starfsmanna	tCO ₂ i/stöðugildi	73	90		
Losunarkræfni á hvern fermeter	kgCO ₂ i/m ²	748	886		
Losunarkræfni heildartekna	kgCO ₂ i/pús. kr.	2,0	1,99		

Umhverfispættir

Vísir	Eining	2020	2021	2022	Athugasemdir
U3. Orkunotkun					
Heildarmagn beinnar orkunotkunar	kWst	65.378.790	80.211.099	85.797.103	
Heildarmagn óbeinnar orkunotkunar	kWst	19.403.125	25.046.284	34.843.889	
Heildarorkunotkun	kWst	84.781.915	105.257.383	120.640.993	
U4. Orkukræfni					
Orkukræfni starfsmanna	kWst/stöðugildi	277.973	359.240	396.845	
Orkukræfni veltu	kWst/pús. kr.	7,7	7,9	7,3	
Orkukræfni á fermetra	kWst/m ²	2.835	3.521	4.035	
Orkukræfni veiða	kWst/veitt tonn	2.056	1.714	1.448	
U5. Samsetning orku					
Jarðefnaeldsneyti	%	78%	76%	71%	
Endurnýjanleg orka	%	22%	24%	29%	
U6. Vatnsnotkun					
Kalt vatn	m ³	596.587	538.968	310.253	
U7. Umhverfisstarfsemi					
Fylgir fyrirtækið formlegri umhverfisstefnu?	já/nei	já	já	já	
Fylgir fyrirtækið sérstökum úrgangs-, vatns-, orku- og/eða endurvinnslustefnum?	já/nei	já	já	já	
Notar fyrirtækið viðurkennt orkustjórnunarkerfi?	já/nei	nei	nei	nei	

Umhverfispættir

Vísir	Eining	2020	2021	2022	Athugasemdir
U8. Loftslagseftirlit stjórnar					
Hefur stjórn yfirumsjón með/eða stýrir loftslagstengdri áhættu?	já/nei	nei	nei	nei	
U9. Loftslagseftirlit stjórnenda					
Hefur framkvæmdastjórn yfirumsjón með og/eða stýrir loftslagstengdri áhættu?	já/nei	nei	nei	nei	
U10. Mildun loftslagsáhættu					
Fjárfestingar í loftslagstengdum innviðum og vöruþróun	þús. kr.	176.543	212.821	263.556	Áætlað 1,6% af ársveltu félagsins

Félagslegir þættir


Mannauður

Hjá Skinney-Þinganesi hf. starfa um 340 manns sem með hæfni sinni og reynslu tryggja gæði afurða og góða umgengni á sjó og í landi. Bakgrunnur, þjóðerni, menntun og aldur starfsfólksins er ólíkur en hópurinn er samhentur. Mikil þekking á ólíkum sviðum er til staðar innan fyrirtækisins. Samstæða Skinneyjar-Þinganess hf. gerir út 7 fiskiskip með samtals um 90 sjómönnum, við landvinnslurnar starfa nálægt 140 manns og í hinum ýmsu stoðeildum (veiðarfæragerð, vélaverkstæði, rafmagnsverkstæði, viðhaldi fasteigna, þrífadeild, mótuneyti og skrifstofu) starfa nálægt 70 manns. Lögð er áhersla á að tryggja góðan aðbúnað starfsfólks og eru öryggismál í fyrirrúmi. Tækniframfarir hafa létt á mannaflapörf en með auknum umsvifum og fjárfestingum hefur fyrirtækið getað tryggt sama fjölda fólks atvinnu. Yfir sumartímann hafa ungmenni verið ráðin til starfa, einkum í bolfiskvinnslu.

Skinney-Þinganes mælir starfsánægju með markvissum hætti með HR Monitor sem er rafrænt mannauðsmælingakerfi. Kerfið veitir okkur aukna innsýn í mannauðinn með reglulegum mælingum.


Jafnlaunavottun

Skinney-Þinganes hf. hlaut jafnlaunavottun í mars 2020 en meginmarkmið jafnlaunavottunar er að vinna gegn kynbundnum launamun og stuðla að jafnrétti kynjanna á vinnumarkaði. Jafnlaunastefnu Skinneyjar-Þinganess má finna á heimasíðu félagsins www.sth.is/jafnlaunastefna. Félagið hefur sett sér jafnréttisáætlun sem hefur það að markmiði að útrýma óútskýranlegum mun launa. Launagreiningar á launum starfsmanna móðurfélags Skinneyjar-Þinganess sýna að ekki hefur mælst óskýrður launamunur kynja.



JAFNLAUNAVOTTUN 2020 - 2023

Kynjahlutfall starfsfólks í prósentum



Félagslegir þættir

Mannréttindi, spilling, mútur og siðferði

Skinney-pinganes virðir almenn mannréttindi, rétt allra til félagafrælsis og kjarasamninga. Fyrirtækið hefur sett sér stefnu gegn spillingu og mútum. Stefnan áréttar að fyrirtækið skuli ávallt starfa í samræmi við lög og reglur í starfsemi sinni þar sem almenn viðmið um viðskiptasiðferði skulu höfð að leiðarljósi. Ávallt skal koma fram við starfsmenn og viðskiptavini af sanngirni og heilindum. Spilling, mútur og ólögmat starfsemi skal aldrei undir nokkrum kringumstæðum líðast í fyrirtækinu og viðskiptaháttum þess. Stjórnendum og starfsmönnum er skylt að láta ekki eigin hagsmuni stangast á við hagsmuni fyrirtækisins eða viðskiptavina þess. Fyrirtækið stundar fagleg og heiðarleg viðskipti. Félagið skuldbindur sig einnig til að vinna gegn spillingu í hvaða formi sem er, ásamt því skal leitast við að tryggja að starfsemi félagsins sé samkvæmt lögum og reglum og gerðar eru sömu kröfur til birgja þess.

Á árinu fóru fiskvinnslur Skinneyjar-pinganess á Höfn og í Þorlákshöfn báðar í tveggja stoða SMETA úttekt (Sedex

Members Ethical Trade Audit). Í úttektinni eru félagslegir þættir teknir út af óháðum úttektaraðila. Úttektin tók m.a. til launa og vinnutíma starfsfólks og heilsu og öryggis starfsfólks á vinnustaðnum.

Félagið hefur sett sér reglur um verklag við uppljóstrun starfsmanna um lögbrot eða aðra ámælisverða háttsemi í samræmi við 5. gr. laga nr. 40/2020 um vernd uppljóstrara.

Fræðsla

Skinney-pinganes leggur áherslu á fræðslu og þjálfun starfsmanna. Unnið er eftir þjálfunaráætlun og til að mynda var á árinu haldið skyndihjálparnámskeið sem var í boði fyrir alla starfsmenn í landi. Öryggis- og vinnuverndarmál eru ávallt höfð að leiðarljósi og skiptir þar fræðsla og þjálfun nýrra starfsmanna sköpum.



Félagslegir þættir

Öryggismál

Stefna Skinneyjar-Þinganes er að hafa öryggismál að leiðarljósi og tryggja þannig öruggt og heilsusamlegt vinnuumhverfi á öllum starfsstöðvum. Yfirmenn bera ábyrgð á öryggismálum sinnar deildar. Innan Skinneyjar-Þinganes eru starfandi öryggisnefndir. Hlutverk þeirra er að skipuleggja aðgerðir er varða aðbúnað, hollustuhætti og öryggi innan fyrirtækisins. Einnig er hlutverk þeirra að sjá um fræðslu til starfsmanna um þessi málefni, hafa eftirlit með og framfylgja öryggisstefnu fyrirtækisins.

Á árinu var tekið upp rafræna atvikaskráningarkerfið ATVIK í fiskvinnslu Skinneyjar-Þinganes á Höfn. Kerfið heldur utan um öll atvik sem snúa að öryggi starfsfólks í vinnuumhverfinu. Starfsfólk getur skráð atvik sem snúa að öryggi og aðbúnaði þeirra á vinnustaðnum í gegnum kerfið.

Skinney-Þinganes og dótturfélag þess Vélsmiðjan Foss ehf. hafa tekið upp reglulegt eldvarnaeftirlit sem byggir á gátlistum Eldvarnabandalagsins. Eftirlitinu er framfylgt af eigin eldvarnafulltrúm fyrirtækjanna.

Á árinu hóf Skinney-Þinganes hf. nýja vegferð í öryggismálum sjómanna í samstarfi við Öryggisstjórnun ehf. með undirritun á þjónustusamningi til þriggja ára. Markmið samstarfsins er að koma samræmdum og stafrænum áherslum í skipulag og framkvæmd öryggismála til sjós. Í samstarfinu verður einnig lögð áhersla á að öryggismál Skinneyjar-Þinganes uppfylli alþjóðlega staðla sem snúa að öryggismálum til sjós og lands.

Unnið er að ákvörðun lykilmælikvarða tengdum mannauði og öryggismála og er áætlað að þeirri vinnu ljúki á árinu 2023.



Félagslegir þættir

Vísir	Eining	2020	2021	2022	Athugasemdir
F1. Launahlutafall forstjóra					
Hlutfall heildarlaunagreiðslu forstjóra og miðgildis heildarlaunagreiðslna starfsmanna í fullu starfi	x:1	4,2	5,3	5,2	
Er þetta hlutfall sett fram af fyrirtækinu í skýrslugjöf til yfirvalda?	já/nei	nei	nei	nei	
F2. Launamunur kynja					
Hlutfall miðgildis launagreiðslna karla (x) og miðgildis launagreiðslna kvenna	x:1	1,63	1,57	1,38	Störf í landi
F3. Starfsmannavelta					
Árleg breyting starfsmanna í fullu starfi	%	10,8%	18,5%	19,0%	Störf í landi
F4. Kynjafjölbreytni					
Karlar í heild	%	67,3%	68,2%	71,9%	
Konur í heild	%	32,7%	31,8%	28,1%	
Karlar í landi	%	54,3%	50,5%	60,8%	
Konur í landi	%	45,7%	49,5%	39,2%	
F5. Hlutfall tímabundinna starfskrafta					
Starfsfólk í hlutastarfi	%	-	-	12,6%	
Verktakar og ráðgjafar	%	-	-	-	

Félagslegir þættir

Vísir	Eining	2020	2021	2022	Athugasemdir
F6. Aðgerðir gegn mismunun					
Fylgir fyrirtækið þitt stefnu er varðar kynferðislegt áreiti og/eða jafnrétti?	já/nei	já	já	já	Öryggisstefna, jafnréttisáætlun og samfélagsstefna Skinneyjar-Þinganes https://samfelag.sfs.is/
F7. Vinnuslysafíðni					
Tíðni slysatengdra atvika, sem hlutfall af heildarfjölda starfsfólks	%	2,2%	1,4%	2,7%	
F8. Hnatræn heilsa og öryggi					
Fylgir fyrirtækið þitt starfstengdri heilsustefnu og/eða hnatrænni stefnu um heilsu og öryggi?	já/nei	já	já	já	Öryggisstefna og samfélagsstefna Skinneyjar -Þinganes https://samfelag.sfs.is/
F9. Barna- og nauðungarvinna					
Fylgir fyrirtækið þitt stefnu gegn barna- og/eða nauðungarvinnu?	já/nei	já	já	já	Samfélagsstefna Skinneyjar-Þinganes https://samfelag.sfs.is/
Ef já, nær stefnan gegn barna- og/eða nauðungarvinnu einnig til birgja og seljenda?	já/nei	já	já	já	
F10. Mannréttindi					
Fylgir fyrirtækið þitt mannréttindastefnu?	já/nei	já	já	já	Samfélagsstefna Skinneyjar-Þinganes https://samfelag.sfs.is/
Ef já, nær mannréttindastefnan einnig til birgja og seljenda?	já/nei	nei	nei	nei	

Stjórn og stjórnendur 2022

Stjórn Skinneyjar-Þinganess gegnir mikilvægu eftirlitshlutverki með rekstri félagsins og fylgist með því að starfsemi félagsins sé í samræmi við gildandi lög og reglur. Stjórnin setur félaginu markmið í samræmi við tilgang þess og markar þá megin stefnu sem farin skal til að ná settum markmiðum.

Stjórnarmenn eru með fjölbreytta menntun og reynslu, m.a. úr viðskiptum og sjávarútvegi og á misjöfnum aldri. Ekki hefur verið mótuð sérstök stefna um fjölbreytileika í tengslum við stjórn félagsins.

Gunnar Ásgeirsson, sem gengt hefur stjórnarformennsku frá sameiningu félagsins árið 1999 gaf ekki kost á sér til áframhaldandi stjórnarsetu. Elín Arna, dóttir Gunnars kom því ný inn í stjórnina og gerðist það í fyrsta sinn að konur skipa nú meirihluta stjórnar Skinneyjar-Þinganess hf.

Stjórn Skinneyjar-Þinganess hf. skipa:

Sigurður Ægir Birgisson, stjórnarformaður

Elín Arna Gunnarsdóttir

Ingvaldur Ásgeirsson

Katrín Ásgrímsdóttir

Margrét Ingólfssdóttir

Í framkvæmdastjórn félagsins eru:

Aðalsteinn Ingólfsson, forstjóri

Ásgeir Gunnarsson, framkvæmdastjóri veiða

Guðrún Ingólfssdóttir, fjármálastjóri

Ingvaldur Mar Ingvaldsson, framkvæmdastjóri bolfisks



Stjórnarhættir

Stjórn og fyrirsvarsmenn Skinneyjar-Pinganes hf. leggja ríka áherslu á að viðhalda góðum stjórnarháttum sem markast fyrst og fremst af lögum nr. 2/1995 um hlutafélög, starfsreglum stjórnar, settar á grundvelli 5. mgr. 70. gr. hlutafélagalaga og samþykktum félagsins. Stjórn félagsins hefur til hliðsjónar leiðbeiningar Viðskiptaráðs Íslands, Nasdaq OMX Iceland hf. og Samtaka atvinnulífsins um stjórnarhætti fyrirtækja. Vegna eðlis eigendahóps félagsins vikur félagið frá tilmælum leiðbeininganna um óhæði stjórnar. Jafnframt hefur hingað til hvorki verið talið þörf á að skipa tilnefningarnefnd né starfskjaranefnd og hefur stjórnin sjálf séð um hlutverk þeirra.

Skinney-Pinganes hefur á grundvelli samfélagsstefnu sinnar einnig sett sér skrifleg viðmið um góða stjórnarhætti.

Innra eftirlit og áhættustjórnun

Daglegur rekstur er í höndum stjórnenda félagsins sem leitast við að hafa virkt eftirlit með áhættupáttum sem hafa áhrif á rekstur og afkomu félagsins. Markmiðið með innra eftirliti er að félagið nái sem best markmiðum sínum en innra eftirlit er innbyggt í alla starfsemi félagsins. Stjórn ber ábyrgð á innra eftirliti og áhættustjórnun og fara stjórnendur reglulega yfir innra eftirlit og áhættupætti með stjórn félagsins og hún upplýst um stöðu mála.

Mánaðaruppgjör gegna mikilvægu hlutverki í innra eftirliti með rekstrarþáttum. Helstu áhættupættir félagsins eru gengis-, vaxta- og sjóðstreymisáhætta.



Stjórnarhættir

Stjórn

Æðsta vald í málefnum félagsins er í höndum lögmætra hluthafafunda og er það sá vettvangur sem samskipti hluthafa og stjórnar fara fram. Samkvæmt samþykktum félagsins kys aðalfundur árlega fimm aðalmenn í stjórn félagsins og tvo varamenn. Í stjórn sitja nú þrjár konur og tveir karlar og við kosningu stjórnar skal tryggt að hlutfall hvors kyns sé ekki lægra en 40%. Í samræmi við samþykktir félagsins fer stjórn félagsins ásamt forstjóra með æðsta vald í málefnum félagsins milli hluthafafunda. Á árinu 2022 voru haldnir 9 stjórnarfundir.

Stjórnin hefur sett sér starfsreglur þar sem valdsvið hennar er skilgreint og verksvið gagnvart forstjóra. Gildandi starfsreglur stjórnar voru samþykktar á stjórnarfundi 8. maí 2020. Í starfsreglunum er meðal annars að finna ákvæði

um skipan stjórnar, boðun funda og ályktunarhæfni, fundargerðarbók, reglur um þagnar- og trúnaðarskyldu stjórnarmanna og reglur um hæfi stjórnarmanna til þátttöku í meðferð mála. Einnig er þar að finna reglur um ráðningu forstjóra, starfsskyldur stjórnar og forstjóra og eftirlitsskyldur stjórnar.

Endurskoðunarnefnd Skinneyjar-Þínganess er undirnefnd stjórnar félagsins og er skipuð af henni í samræmi við IX. kafla A. laga nr. 3/2006, um ársreikninga. Endurskoðunarnefnd leitast við að tryggja gæði ársreikninga og annarra fjármálaupplýsinga félagsins og óhæði endurskoðenda þess. Nefndin hefur sett sér starfsreglur. Eftirfarandi einstaklingar skipa endurskoðunarnefnd: Garðar Garðarsson (formaður), Katrín Ásgrímsdóttir og Sigurður Ægir Birgisson.




Stjórnarhættir

Vísir	Eining	2020	2021	2022	Athugasemdir
S1. Kynjahlutfall í stjórn					
Hlutfall kvenna í stjórn	%	40%	40%	60%	
Hlutfall kvenna í formennsku nefnda	%	-	-	-	
S2. Óhæði stjórnar					
Bannar fyrirtækið forstjóra að sinna stjórnarformennsku?	já/nei	já	já	já	
Hlutfall óháðra stjórnarmanna	%	0%	0%	0%	
S3. Kaupaukar					
Fá framkvæmdastjórnar formlegan kaupauka fyrir að ná árangri á sviði sjálfbærni?	já/nei	nei	nei	nei	
S4. Kjarasamningar					
Hlutfall starfsmanna fyrirtækisins í prósentum sem fellur undir almenna kjarasamninga	%	99%	99%	99%	
S5. Siðareglur birgja					
Ber seljendum þínum eða birgjum að fylgja siðareglum?	já/nei	nei	nei	nei	

Stjórnarhættir

Vísir	Eining	2020	2021	2022	Athugasemdir
S6. Siðferði og aðgerðir gegn spillingu					
Fylgir fyrirtækið þitt stefnu um siðferði og/eða aðgerðum gegn spillingu?	já/nei	já	já	já	Spillingarstefna og samfélagsstefna Skinneyjar-Þínganess https://samfelag.sfs.is/
Ef já, hve hátt hlutfall starfsfólks hefur formlega vottað að það fylgi stefnunni?	%	-	-		
S7. Persónuvernd					
Fylgir fyrirtækið þitt stefnu um persónuvernd?	já/nei	já	já	já	Persónuverndarstefna Skinneyjar-Þínganess https://sth.is/personuverndarstefna/
Hefur fyrirtækið þitt hafist handa við að fylgja GDPR reglum?	já/nei	já	já	já	
S8. Sjálfbæriskýrsla					
Gefur fyrirtækið þitt út sjálfbæriskýrslu?	já/nei	já	já	já	
Eru gögn um sjálfbærni að finna í skýrslugjöf til yfirvalda?	já/nei	já	já	já	
S9. Starfsvenjur við upplýsingagjöf					
Veitir fyrirtækið þitt upplýsingar um sjálfbærni til viðurkenndra aðila með skipulögðum hætti?	já/nei	nei	nei	nei	
Leggur fyrirtækið þitt áherslu á tiltekin heimsmarkmið Sameinuðu Þjóðanna um sjálfbæra þróun (UN SDGs)?	já/nei	já	já	já	Áhersla er á heimsmarkmið 14,9,12,13,16,5 og 8 í samfélagsstefnu Skinneyjar-Þínganess https://samfelag.sfs.is/
Setur fyrirtækið þitt markmið og gefur skýrslu um framvindu heimsmarkmiða SP?	já/nei	nei	nei	nei	
S10. Gögn tekin út/sannreynd af þriðja aðila					
Er upplýsingagjöf þín um sjálfbærni árituð eða endurskoðuð af þriðja aðila?	já/nei	nei	nei	nei	

Samfélagsspor 2022



Samfélagsspor 2020-2022	2020	2021	2022
Tryggingagjald	248.323.629 kr.	269.267.814 kr.	318.221.322 kr.
Veiðigjöld	199.233.922 kr.	360.385.587 kr.	421.329.022 kr.
Mótframlag í lífeyrissjóð	378.382.963 kr.	440.815.475 kr.	491.968.343 kr.
Aðrir skattar og gjöld	134.484.216 kr.	151.737.276 kr.	186.199.193 kr.
Gjöld til hafnarsjóða	110.656.095 kr.	125.609.366 kr.	160.577.458 kr.
Tekjuskattur	0 kr. / vegna taps á árinu	627.892.987 kr.	567.848.221 kr.
Innheimtir skattar vegna einstaklinga	1.447.353.614 kr.	1.474.030.305 kr.	1.773.780.622 kr.
Samtals	2.518.434.502 kr.	3.450.038.810 kr.	3.748.985.873 kr.

